

CAROLI SIGONII  
Pro Eloquentia  
Orationes  
III.



VENETIIS, M D L V.



CAROLI SIGONII

Pro Elodius

Quatuor

III.



AVENETIIIS MDLVA



**A M P L I S S I M O V I R O**

Dominico Mauroceno, Equiti, ac Senatori

clarissimo, patricio Veneto,

Carolus Sigonius S. P. D.



I H I L est, Dominice, uir amplissime, in quo tam elaborare omnes meo iudicio homines debeant, quam in mutuis adiumentis, atque praesidijs, quae cuiusque uitae necessaria sint, comparandis, est enim eiusmodi studium cum fructu ipso ad utilitatem uberrimum, tum uero populari etiam plausu ad laudem, & commendationem nominis honestissimum. Hanc uero laudem quanquam auidè omnes expetimus, non eadem tamen ratione omnes uenamur, alij enim ea, quae cuique optima sint, indagando, alij, alios ad id decus incitando, persequimur. qui autem in utroque officijs genere praestiterunt, ij profecto omnium consensu maximam sibi non solum gratiam, sed gloriam quoque pepererunt. Id ego cum intellegarem, utranque rationem in hoc munere obeundo, quod singulari tuo potissimum beneficio in hac ciuitate sustineo, quoad potui, iam ferè quadriennio sum secutus, nam & publice docendo, ac quasi uias quas-

a ij



dam, quæ ad eloquentiam ferre possent quotidie ostendendo, & præclaram hanc tuuentutem ad oratoria studia quotannis cohortando, dedi operam, ut quantum in me esset, quamplurimis labore, officio, ac diligentia mea prodessem. Itaque quas etiam orationes, quasi stimulos quosdam ad eorum incitandos animos adhibueram, cum multi à me saepe petiissent, quamquam eas non admodum dignas, quæ uulgo legerentur, iudicabam, non inuitus tamen edidi, ut si quem ex ijs semel audiendis fructum forte cepissent, multo ubertorem ijsdem saepius legendis ferrent. Cur autem eas in tuo nomine diuulgauerim, causæ duæ fuerunt. una quod æquum esse statui, ut quo auctore dictæ essent, eodem etiam quasi auspice legeretur: altera, ut qui liber cohortatione mea adolescentes Venetos ad eloquentiæ studium excitaret, idem exemplo tuo, cuius nomen præferret, multo uehementius inflammareret Te enim præter cæteros hoc tempore intelligo ingenio, atque industria perfecisse, ut non solum eloquentiæ, sed omnis etiam uirtutis, & sapientiæ laude præstares. Itaque non modo hæc potentissima ciuitas, in qua natus es, sed Roma quoque ipsa, ubi paulo ante legationem honorificentissimam senatus nomine obijsti, ita te, tuam doctrinam, integritatem, ac prudentiam admirantur, ut quæ à secunda fortuna optari solent amplissima, eadem omnia ab excellenti tua



tua uirtute , ac sapientia , uel multo etiam grauiora  
atque uberiora expectent . Quamobrem legat quidem  
has Veneta iuuentus orationes maiore a me animi  
studio dictas , quam dicendi artificio scriptas , atque  
uerbis quidem meis , exemplo autem (ut dixi) tuo ad  
haec præclara studia , ex quibus honestissima quæq;  
emanat actio , accendatur . Tu uero me , qui tuo am-  
plissimo nomini deditus iam diu , nihil aliud dies , no-  
ctesq; ago , quam ut tibi in hoc munere satisfaciam ,  
tuere , atque summa amplitudinis tuæ auctoritate  
defende .      Vale .      Venetijs . Non. Decemb.

M D L V.



que el mundo, en la que se ha de servir, no es el mundo de los mortales  
sino de los que pertenecen a la eternidad. Otra diferencia es la de que en el mundo  
pues de los mortales, o de los vivos, no habrá más que a los que  
viven hoy; pero de los que pertenecen a la eternidad, no habrá más que a los que  
nacieron de la carne, es decir, a los que nacieron (en el sentido de la  
palabra) en la carne, en el mundo, en el mundo mortal, que es el mundo de los  
que pertenecen a la eternidad. En cambio, de los que  
viven hoy, o nacieron de la carne, o nacieron en el mundo mortal, no  
se trata de que sean de la eternidad, sino de que sean de la carne, de los  
que pertenecen a la eternidad.

M D N.



# CAROLI SIGONII PRO ELOQUENCE

Vnde invenimus iste per  
dictum admodum una cum aliis  
demonstratio clara, que  
concedit esse ratione veluti in  
certitudine deinde certe  
de eiusdem sententia. Et orante quoniam  
in eis sequitur procedere ex his sententiis  
tunc returnante ut etiam in aliis principiis ac  
in aliis sententiis quae informandas de quo  
est invenimus ratione, cum estis atque  
in impetu huc, huc tamen dubius dantur  
de sententiis bellis excellentes, non  
sunt enim cognoscendis. Et inde nunc  
ad hanc sententiam quae finis nostra por-  
tatur laterat fortas, sicut corporatio rati-  
onis sententie, separare quoque facilius, ut apud  
alios sententia regnum sit et sententia colligatur  
sententia. Sed in hanc sententiam quidem erit certe  
difficilis, quod sumus quodammodo dubius ad senten-  
tia regnum, & ita si preformamus sententiam in senten-





# CAROLI SIGONII

## PRO ELOQVENTIA

### ORATIO PRIMA.



VM multa magna, atque præ  
clara Auditores nobis à dijs  
immortalibus tributa, atque  
concessa sunt, tum nihil uel sa-  
pientissimorum hominum sen-  
tentia maius, atque præclarior;  
quam, ut nos bene de unaqua-  
que re sentire, ac iudicare, & ornate quæ sentire-  
mus eloqui, atque exprimere dicendo possemus.  
Quarum rerum tanta uis est ad animos ipsos ho-  
minum ad humanitatem informandos, ut cum  
multæ aliae communes nobis cum cæteris animan-  
tibus impertitæ sint, his tamen duabus duntaxat,  
feris, & immanibus belluis excellamus, cum in  
cæteris, ut corporis uelocitate, & robore multo  
illis humiliores, infirmioresque simus. tanta por-  
ro illarum inter se societas, atque cognatio est, ut  
disiunctæ fortè, separatæque si fuerint, uix quid  
ipsæ prodesse hominum uitæ possint, intelligatur.  
Siquidem ne ab indisertis quidem prudentibus  
magna admodum expectari præsidia, & adiumen-  
ta queunt, & stulti sæpe loquaces summa incômo-

A



da, ac detrimenta hominibus intulerunt. Ex quo intelligi potest, ad optimam, rectissimamque uitæ rationem instituendam utriusque muneris coniunctionem esse maxime necessariam, eamq; qui sit adeptus, maximum illum quiddam esse, atque amplissimum consequutum. Sed quoniam factum est, ut ex his duabus eloquentiam homines uel nonnullorum, qui ea peruersè abusi sunt, odio, uel eorum, qui eiusmodi gloria floruerunt, iniuria concitati, & damnarint omni tempore uehementius, & acrius etiam improbarint, uisa res est haud prorsus à munere, & proposito nostro aliena, qui in hanc urbem ad antiquam Latini sermonis consuetudinem demonstrandam acciti uenimus, si paucis eam hoc in loco, in quem nunc primum publica auctoritate conscendimus, atque in hoc amplissimo huius diei, frequentissimoq; confessu iniuste uituperari à multis ostenderemus. hoc enim si dicendo consequi poterimus, non dubitamus, quin ualere plurimum debeat ad honestissimas uestras mentes, id quod in primis optamus, ad eloquentiae studium accendendas. Quanquam autem dissimulare non possum Aud. summo me cum pudore ad hanc orationem accedere, quod & in ea ciuitate loquor, in qua una antiquæ dicendi facultatis, & copiæ uestigia certissima, atque grauissima resident, & præsentibus viris illis dico, qui in hac ipsa ciuitate summorum

orato-



oratorum obtinent principatum , me tamen audaciorem nescio quo modo , quām meus patiatur pudor , ad hanc disputationem suscipiendam rei de qua dicturus sum , magnitudo reddit : quam quidem esse , si utilitas quāratur , opportunissimam , si animi oblectatio , iucundissimam , si dignitas amplissimam facile quiuis etiam intelligere poterit , qui antiquissimos oratoris ipsius gradus , ac quasi processus paulo necum diligentius iam inde à primis eius incunabulis indagarit . Nam primum quidem (ne longius faciam) quid erat , unde procreatī , & in lucem editi homines , atque illo admirabili , & diuino munere mentis , & cogitationis ornati , aut maiorem utilitatem ferre , aut uberiorem uoluptatem percipere possent , quām ut ipsi colloqui inter se , & sua ipsorum cogitata communicare , & ea , quae suæ essent uitæ necessaria uicissim tum rogare , tum rogati suppeditare possent ? aut cum genus humanum in terris dissipatum libere uagaretur , atque ut nullius loci ambitu , sic ne ullius quidem etiam legis , aut iuris timore coerceretur , sed cæca ipsorum sensuum cupiditate omnia administraret , & gereret , quid ei uel opportunius , si tutæ , uel si iucundæ , suauius , uel magnificentius , si nobilioris uitæ genus expeteret , accidere potuit , quām ut in unum locum congregatum , (quod incredibili quadam dicendi facultate perfectum est) iuris , le-

A ij



gum, urbium denique societate deuinciretur, atque à fera, agrestique uita adhunc humanum cultum, ciuilemque traduceretur? Declarant anti- qui poetæ, qui disertos quondam uiros, quodd homines ad unam incolendam urbem ex agris, tectisque sylvestribus maiore fortasse, quam tum tempora ferebant illa, dicendi copia, & grauitate deduxerant, eosdem cantu, fidibusq; lapides mouisse, feroceſ immanium bestiarum impetus fre- gisse, ac perennium fluminum cursus retardasse finixerunt. At uero constitutis descriptisque ciuitatibus, quid aut ad utilitatem fructuosius, aut ad dignitatem amplius, aut ad famam splendidius esse potuit, quam in foro hominum fraudem ad perniciem, integratatem ad salutem copiosa ora- tione posse, atque ornata uocare, in senatu de Rep. deq; cæteris rebus suam cum dignitate sen- tentiam explicare, postremo in ocio unum inter cæteros in omni genere sermonis, atque huma- nitatis excellere? Etenim, si uerum querimus, quo tandem modo aut laudandi, aut gratulandi, aut moniendi, aut gratias agendi, aut omnino ullo humanitatis officio fungendi, quæ omnia quam sint grauia, quam necessaria, quam sua via, facile communis uitæ consuetudo demonstrat, fa- cultatem nos ullam unquam tuisse consequutu- iros putamus, nisi nobis data hæc uis, & ratio di- cendi fuisset? Ex qua cum multiplices alij fructus sunt



sunt consequuti, tum hic proculdubio, & amplissimus est semper, & uberrimus habitus, quod eadem effecit, ut quæ ignoraremus discere, & ea, quæ sciremus, alijs tradere possemus, atque posteris etiam in perpetuum cognoscenda relinqueremus. Nam quæ per deos immortales præclarissimarum artium, & nobilissimarum disciplinarum, quæ sunt partim ad uitæ usum, partim ad oblationem animi necessariæ, quæ philosophiæ, qua nihil uel melius, uel admirabilius à Deo hominibus datum est, quæ illius ipsius ministræ, ac quasi famulæ dialecticæ, quæ legum, quæ iuris, quæ denique Dei ipsius, quæ religionis, iustitiæ, pietatis cognitio, atque scientia nobis esset, nisi in omni genere homines extitissent, qui eximia instructi facultate dicendi, ea nobis unde disceremus, tractata diuinitus prodidissent? Historia uero quam est admirabilis, quam iucunda, quam fructuosa? Hæc res gestas, ueteremq; memoriam omnem continet. hæc bellicosarum gentium, imperiosorum populorum, potentium regum, fortissimorum virorum gloria, & illustria facta commemorat, hæc continentia, grauitatis, iustitiæ, fidei, fortitudinis, atque omnis deniq; virtutis exempla quam plurima, & quam pulcherrima ante oculos ponit, quæ ipsi non modo magna cum uoluptate, & admiratione legentes intueamur, sed maximo etiam nostro cum fructu.



imitemur, hæc eadem denique sola mea sententia indicat, non solum quantum cæteris animantibus, sed quantum cæteris etiam hominibus homo præstet, cum ea, quæ antequam natus sit, acciderint, non aliter, atque si ipse interfuisset, cognoscere antiquitatis studioſſimus quisque posſit. Sed hæc tamen omnia (quod nemini dubium est) iacuissent in tenebris, niſi ornatae, & illuſtris cuiusdam eloquentiæ lumen accessiſſet. Multa prætereo consulto, ſunt enim quæ in hoc genere dici poſſunt innumerabilia, meque breuem hac in parte futurum paulo ante pollicitum eſſe memoria teneo. Illud ſatis ex ijs, quæ adhuc dicta ſunt, intelligi poſteſt, nullam nobis tum rerum earum rationem, quibus uita melior facta eſt, tum etiam literarum, quibus aut corpus tuemur, aut animal recreamur affuturam fuifſe, niſi una nobis tributa oratio hæc omnia ministrasset. Ex quo efficitur, cum hæc eadem tam prætantia, tam utilia, tam iucunda nobis incredibili deorum beſficio data ſint, non alio illos, à quibus improbantur, odio eſſe dignos, quam eos ipſos, qui a gustiſſima illorum templa (ſicut maximus eloquentiæ pater inquit Isocrates) inexpiabili ſcelere, flagitioque polluerint. contra uero, qui naturalem hanc, quam omnes adepti ſunt ad dicendum commoditatem cura, atq; industria auxerint, atq; uniuersam hanc demum eloquentiæ laudem, ſine qua



quia ne sapientia quidem ipsa, quod est alterum  
 nobis à Deo traditum munus, expetenda uideba-  
 tu r, summo persecuti studio fuerint, in primis  
 extollendos esse, atque plenissimo ore laudandos.  
 Quod si qui populi, aut si quæ gentes aliquando  
 huiuscet tantæ laudis studio præstiterunt, ij mihi  
 fuisse potissimum uidentur, qui in libera, maxi-  
 meque pacata, & tranquilla ciuitate uixerunt. si-  
 ue quòd ipsi ut rerum gestarum amplitudine, &  
 libertatis maiestate, sic & orationis pulchritudi-  
 ne, & dicendi grauitate se cæteris antecellere  
 oportere arbitratí sint, siue quòd, ut ad bellum  
 gerendum gladium, sic ad remp. administrandam  
 orationem afferendam esse statuerint, siue deni-  
 que, quòd apud liberos populos iis, qui se dicen-  
 di exercitationi dediderint, multo quam apud  
 cæteros ampliora, atque uberiora semper fuerint  
 præmia constituta. qualia cum multis aliis præ-  
 claris quondam in ciuitatibus, tum Athenis po-  
 tissimum, & Romæ fuisse accepimus. quibus in  
 urbibus, quòd disertissimo cuique ad gratiam,  
 ad opes, ad honores amplissimus patuit semi-  
 per aditus, plurimum quondam eloquentiam esse  
 dominatam uidemus. Id quod ex summis utrius-  
 que ciuitatis oratoribus perspici potest. qui qui-  
 dem, cum nec eximius eos ullus generis splen-  
 dor, nec summus diuinarum fulgor, sed diuina  
 solum ipsa dicendi ratio commendaret, ad Remp,



cum accessissent, in ea diutius gloriosissimè floruerunt. Id autem ita esse, quid maiori esse argumento potest, quam, quod cum eorum populorum libertate non solum omne illius rei studium subito concidit, sed pristini etiam sermonis præclaræ illæ rationes, & formulæ ita corruerunt, ut ne uestigia quidem ulla uideamus antiquæ consuetudinis? siquidem non ut res, & animi sensa apud omnes homines eadem per omnia tempora permanent, sic & uoces, & uerba eadem ab omnibus gentibus in omni sæculo celebrantur. immo uero ut Imperia, sic communis loquendi forma, & consuetudo suo quasi confecta senio extabescit. atque ut ex corporibus placent potius, quæ honestæ florem ætatis præferunt, quam quæ decrepitam quandam maturitatem adepta sunt, sic in quotidiana loquendi consuetudine ea maximo apud homines in honore uerba sunt, quæ postremo quoque loco successerunt. Quod cum ita sit, ergo duplex nobis relinquitur hoc tempore, in quo nostra excurrere industria, & uirtus possit, honestissimus, atque in suo uter genere amplissimus eloquentiæ campus; unus, qui recentem, alter, qui antiquam loquendi rationem amplectitur. Quarum illam ad familiaria negotia, & omnino ad publicum, & forensem usum, aduocare, ex hac uero rerum præstantissimarum, & nobilissimarum artium cognitionem deriuare soliti



foliti sumus . Ac prior quidem illa pars eloquen-  
tiae in hac ciuitate, quam unam in terris hoc tem-  
pore liberam esse uoluisse dij uidentur, tanto stu-  
dio colitur , ut ne Græci quidem, & Latini diuino  
ipsorum sermone aut de rebus suis priuatis subti-  
lius, aut de publicis magnificentius, aut de foren-  
sibus copiosius differuerint. neque iniuria . Nam  
quaæ cæteris in urbibus hoc tempore penitus in-  
terclusa est ad dicendi gloriam uia, ea latissimè in  
hac ciuitate unicuique homini patet . non enim  
hic rostra desiderantur , non curia , non senatus,  
non forum, non subsellia iudicium , in quibus elo-  
quentium uirorum aut elucescat industria , aut  
speratis, propositisque honoribus studium accen-  
datur. manent manent, & (ut video) in perpetuum  
manebunt disertissimorum hominum ingenii  
sua in hac pacatissima ciuitate curricula. De alte-  
ra uero ea omnium fere eruditorum uidetur esse  
consensio, ut quoniam tum Græci, tum Latini ho-  
mines (harum enim duarum gentium laudata in  
primis semper oratio fuit) poetas nobis, & orato-  
res non ignobiles reliquerunt ; & præstantissima  
ferè, ac optima cuiusq; disciplinæ præcepta quām  
plurima, & quām ornatissima prodiderunt, demus  
operam, ut uerborum, quibus diuina contexta ip-  
sorum scripta sunt, ratione percepta, tot excellen-  
tium poetarum, nobilium oratorum, præstantis-  
simarum artium cognitionem nobis, atque scien-  
tiam

B



tiam vindicemus . aut si quid forte de nostris rebus uel dicendum , uel scribendum hoc tempore sit, id uerbis quidem nostris explicemus , insignibus autem illorum ; quæ plurima ex splendidissimis eorum scriptis sumi possunt , illustremus . aut denique si nosmetipso ad ueterem illam fortè dicendi consuetudinem transferamus , id uero nec indisertè , nec impolitè agamus . Sed cum hoc tam totum , quicquid illud sit , quod nos in hoc genere suscepimus , nisi cognitis eorum linguae formalibus expleri non posse , relinquitur profecto , ut primus nobis labor in ipsorum cognoscenda lingua sit consumendus . Quam cum neque ex domestico , neque ex forensi , (ut quondam) usu , sed ex tacita duntaxat multorum doctorum consuetudine percipi posse pleraque Italæ ciuitates animaduerterent , propterea summa ope contendunt , ut apud se haberent , qui illorum scripta publicè explicarent . Verum in hoc genere toto Auditore nescio quomodo maiorum uestrorum cōsilium , & factum in primis elucet . Hī enim non modo artium , & disciplinarum , quæ nunc in precio sunt omnium clarissimum uniuerso terrarum orbi domicilium in antiquissima imperij sui Patauina urbe collocarunt , idque ipsum nobilissimis accitis ex omni terrarum parte magistris exornarunt , sed etiam in hac urbe , quæ clarissimi huius imperij sedes est , semper esse uoluerunt , qui obscura ,



obscura , & nunquam satis patefacta veterum il-  
 lorum scripta docendo illustraret , & præclaram  
 hanc iuuentutem optimis literis publico munere  
 erudiret . & rectè . statuerunt enim (id quod aliter  
 esse non potest ) ciuilis initia , ac fundamenta pru-  
 dentiæ optimarum doctrinarum cognitione , ac  
 scientia contineri , nec quenquam unquam satis se  
 moderate in libera ciuitate gesturum , nisi qui ab  
 ineunte ætate liberalibus primum disciplinis ex-  
 cultus , deinde se tractandæ & administrandæ  
 Reip. tradidisset . Itaque ut in ipsa Rep. guber-  
 nanda , sic in tota eius etiam ratione suscipienda ,  
 admirabile est , quantum ipsi cum cæteros homi-  
 nes , tum maxime prudentissimos illos etiam veteres  
 Romanos sapientia superauerint . illi enim phi-  
 losophos , ac rhetores omnes Catone potissimū ,  
 & Crasso auctoribus edicto excedere aliquando  
 ex urbe iusserunt , hi eosdem in hanc urbem sus-  
 fragijs suis etiam aduocandos esse duxerunt . illi  
 nobilissimos artium magistros aliquando etiam  
 contumelia affecerunt , hi eosdem summis præ-  
 mii dignos esse perpetuò arbitrati sunt . illi rectissimas  
 artes ad optimam administrandæ Reip. ra-  
 tionem informandam nihil valere , hi ad id potissimum  
 maxime pertinere existimarunt . Quo fit ,  
 ut hæc ciuitas , quemadmodum rerum gestarum  
 magnitudine , imperii diuturnitate , maritimi , &  
 terrestris apparatus magnificentia , sic etiam ar-



tiū optimarum studiis, ac moderatissimorum  
hominum copia præstantissimum quenquam po-  
pulum antecedat. In hanc igitur urbem atque ad  
eiusmodi munus obeundum publica adductus  
auctoritate uenio equidem hoc tempore Aud.  
sed si uere dicendum est, maximo cum timore.  
Metum autem afferit non tam suscepti magnitu-  
do muneris, cui me iam nonnulla exercitatione  
aliquantum assueteci, sed quod intelligo me in  
eum locum succedere oportere, quo in loco cum  
alii quondam summi uiri, tum proxime Valla,  
Sabellicus, Egnatius magna cum ingenii, atque  
doctrinæ laude floruerunt. Præterea uero co-  
rona ista uestrum, & frequentia incredibilis adeo  
me perturbat, & commouet, ut nunc demum in-  
telligam quam incaute, ne dicam stulte fecerim,  
qui acerimo huius eruditissimæ ciuitatis iudicio  
in hoc genere aliquando satisfacere me posse cre-  
diderim. Sed tamen qui me frequens uester con-  
spectus terret, idem quodammodo etiam confir-  
mat, & recreat. Sentio enim, atque ex singulis  
uniuersiisque uestrum uultibus perspicio hu-  
manitatem in hac ciuitate esse tantam, quantam  
in principe terrarum, eoque potentissimo popu-  
lo esse conueniat. Itaq; ut aimauit ante mea spon-  
te maxime pulcherrimam istam urbem uestram,  
imaginem unam in terris optime constitutæ ciui-  
tatis uerissimam, ut senatus istius grauitatem, Im-  
perii



7

perii maiestatem, cœli clementiam, terræ halitum, maris afflatum, atq; omnino felicem istum, ac plane diuinum Venetiarum genium semper colui, sic nunc multò uehementius uestro tanto incensus erga me studio diligo, atque colo, fateorque pulcherrimum mihi omnium, quos in uita uidi hunc diem illuxisse, quo tam egregiam uelstram erga me uoluntatem, ac tam honorificum de me iudicium licuit experiri, cuius diei memoria dabo operam, ne aut obliuione aliqua deleatur, aut ullius diuturnitate temporis obscuretur. Exposui breuiter Aud. quæ ad eloquentiæ laudem, atque omnino ad huiusc diei proludium mihi uisa sunt pertinere. latorque attente, atque benigne me, sicut optabam, atque sperabam, ab omnibus esse auditum. Reliquum est, primum ut uobis omne meum studium, officium, laborem, diligentiam, ac quantum denique ingenio, atque industria efficere in hoc munere possim, polliear, ac deferam. Quod quidem cum mea sponte, tum uestro etiam tanto de me iudicio incitatus uel Musis propè ipsis, quarum augustissimo quasi quodam in templo sumus approbantibus, facio. deinde, ut uos orem, atque obsecrem, ut quod ad me audiendum hodierno die studium attulistis, id in perpetuum conseruetis. Quod ipsum cum multis aliis de causis uobis censeo esse faciendum, tum ne aut eorum, qui me aduoca-



runt, aut eius, qui accersitus est animus nostra ultra tarditate debilitetur, aut ipsi maximam, & excellentissimam, humanitatis partem (sicuti dicebam initio) respuere, aut denique ne pulcherrima abuti hac pace, atque optatissima uideamini, quia sola haec ciuitas reliquo ferè terrarum orbe perniciosissimo bello flagrante singulari istius sapientissimi senatus consilio, secunda hominum ad murmuratione, & maxima, utinam in perpetuum, felicitate perficitur. Venetiis habita. M D LII.

## CARO,



# CAROLI SIGONII

## PRO ELOQVENTIA

### ORATIO SECUNDA.



TI post intermissa nostra studia Auditores nihil mihi longius unquam uisum est eo die, quo iterum omnes in hunc locum conueniremus, ac intermissam eorum consuetudinem longo interuallo repetemus, tamen hodiernus dies, qui cum per se optatissimus, tum frequentissimo isto conspectu uestro omnium mihi iucundissimus esse merito debet, integrum me, quam ante conceperam animo, percipere uoluptatem non patitur. renouat enim memoriam perniciosissimæ cuiusdam opinionis, quam omnino inueterasse, atque in animis omnium ferè hominum iam penitus insedisse intelligo. Nam cum alii aliis de causis se à studiis optimarum artium, ac præsertim eloquentiæ recedere hoc tempore profitentur, tum hæc trita, & iam omnium ferè perulgata sermonibus afferti excusatio solet, quod se diffidant ad ueterum illorum posse, quos imitati fuerint, laudem, & gloriam peruenire. Quæ oratio quanquam satis



est istius ciuitatis auctoritate , atque iudicio con-  
futata , quod tanto studio , ac tanta animorum  
contentione ad omnium disciplinarum genera  
complectenda exarsit , ut eam omnino non anti-  
quitatis ipsius solum gloriam æquaturam , uerum  
longe , multumque superaturam esse sperandum  
sit , me tamen & mei munieris ratio , & mea quæ-  
dam etiam erga uos præcipua caritas hortatur , ut  
quod alacrius omnes ad pristina studia redeatis ,  
eiusmodi sententiam probem cum ut falsam tum  
ut perniciosam ab omnibus prorsus hominibus  
esse repudiandam . Etenim si diligenter attende-  
ritis Aud. nihil profecto inuenietis , quod tam  
omnium hominum animos frangere , aut tam eo-  
rum retardare conatus possit , quam si in ijs arti-  
bus , ad quas se contulerint , omnis sit eis spes  
principatus , ad quem unusquisq; natura ducitur ,  
interclusa . quam certe spem omnino præcidunt  
illi , qui in tantam antiquorum admirationem ad-  
ducuntur , ac tantam illis in omni artium genere  
laudem tribuendam esse censem , ut nullum in ijs  
posterioris ad famam , atque ad gloriam relictum es-  
se locum arbitrentur . Quorum quidem ut illud  
semper uerissimum esse duxi ; maximas res , sum-  
masque artes & inuentas acutissimè , & tractatas  
ornatissimè ad nos à ueteribus esse translatas , sic  
hoc nulla ratione probandum puto , non eorum  
nos uestigiis insistentes uel parem nobis laudem  
posse



posse ex eodem illo antiquorum studiorum curri-  
 culo vindicare. Nam omnino si causa ulla est  
 Aud. quæ tantos nostros conatus ualeat impe-  
 dire, eam profecto uel ab ingeniorum nostrorum  
 imbecillitate, uel certe ab rerum cognoscenda  
 rum multitudine proficisci existimandam est.  
 Quibus tamen ex rebus tantum abest, ut ulla no-  
 bis impedimenta possint parari, ut omnino nulla  
 ineptior oratio sit, quam eorum, qui hac ratione  
 utantur. Nam ut de ingeniis primum dicam,  
 quorum hebetatem aciem esse ab ipsa quasi defa-  
 tigata natura quidam queruntur, quid est tan-  
 dem causæ, cur natura hoc tempore tardiora,  
 quam olim humana ferat ingenia, quæ in omni-  
 bus suis rebus obeundis admirabilem constan-  
 tiæ, & incredibilem quandam, æquabilitatem  
 immutabili prorsus æternitate tueri soleat? Equi-  
 dem cum nunc & cœlum pariter naturali se con-  
 uersione contorqueat, & terra suis librata ponde-  
 ribus immota natura iaceat, cum sol & astra cla-  
 rissima nunc etiam terras (ut ante) luce collu-  
 dent, cumque item cætera, quæ longe maxima  
 sunt, fiant eodem modo à natura, quo ante, satis  
 intelligere non possum, cur homines aut ad inue-  
 niendum hebetiores, aut ad intelligendum tar-  
 diores natura hoc tempore, quam antea procrea-  
 rit. præsertim uero cum non eadem sit ingenio-  
 rum ratio, atque agrorum, siquidem horum vir-



tus aut cœli temperie commutatur, aut temporis  
diurnitate minuitur, eorum uires nulla prorsus  
ratione, nisi fortè socordia infringuntur. Tertius  
ipsa Græcia esse potest, in qua ita quondam om-  
nium bonarum artium studia floruerunt, ut hæc  
una in terris gens omnis aliquando humanita-  
tis, atque doctrinæ sibi gloriam arrogarit. ita  
nunc demum, funesto quodam illius quasi pro-  
uinciarum fato iacent, ut eadem nulla antiquæ monu-  
menta laudis, & ueteris insignia dignitatis agno-  
scat, quid ita? profecto non quia apud illos inge-  
nium, sed quia apud illos industria consenserit,  
ut enim fœcundissimus ager nisi quotidiana exer-  
ceatur cultione syluescit, sic optima ingenia exa-  
rescant, nisi perpetua exercitatione excolantur ne-  
cessere est. Quod si eisdem uiribus eorum, qui nunc  
sunt, atque illorum, qui ante uixerunt, ingenia  
sustinentur, iam nunc intelligere possumus, quan-  
tum nobis momentum ad gloriæ commendationem acce-  
sserit ex iis, quæ sunt excellentissimis  
superiorum hominum ingenii innumerabilium  
iam propè sæculorum memoria comparata. quæ  
eam uim habent, ut non optimam modo confir-  
mare, sed deterrimam quoque planè excitare na-  
turam possint. Neque enim ut aliarum rerum  
omnium, sic ingeniorum quoque grauem ipsam  
obrepere senectutem existimandum est, quippe  
quæ firmissimo ac propè immortali quodam quasi  
naturæ



naturæ robore sepiantur. Nam nî ita esset, quis est, qui non intelligat aut primis, aut secundis ipsa confici sacerulis debuisse? Nunc uero cum ea alacritate prædita sint, ut quo diutius uiuant, eo uehementius uigeant, & quod de fama dixit poeta sumimus, progrediendo quasi uires acquirât, quid est, quod de eorum imbecillitate dubitandum magis hoc tempore sit, quam post Platonis, & Aristotelis, & eorum æqualium tempora dubitatum sit? quorum tanta extitisse in omni disciplinarum genere laus creditur, ut non priores solum omnes superasse, sed posteris etiam omnibus spem aut melioris sententiarum, aut ornatiōris orationis uisi sint propè in perpetuum adēmisse? Itaque ut ipsi plurimos, qui proxime ad eadem se studia contulerant, incredibili sua, qua abundarunt, laude haud retardare potuerunt, sic ne hoc quidem tempore aut illorum, aut horum ingenij magnitudo permouere quenquam debet, quomodo, si ita ferat animus, ea studia persecutatur, in quibus illi maxima cum laude, & secunda omnium saeculorum cum assensione uersati sint. Neque enim, mihi credite, rerum ipsarum aut euoluta satis, aut prompta ueritas est, sed obscuro, & inexplicabili quodam quasi inuolucro implicata, (& ut nobiles quidam philosophi tradiderunt) in profundo ita demersa, ut nec unius labore, neque unius ætate, sed plurimorum hominum industria,



○

& multorum sacerdorum memoria uideatur esse  
explicanda, atq; ex tenebris quodammodo eruenda. Quam multa enim sunt, quae non dico Ari-  
stotelem, aut Platonem, aut qui ambos aetate præ-  
gressus est, Socratem, sed eos quoque omnes, qui  
aut proximo, aut longo subsequuti sunt interuallo  
etiam querentes latuerunt, ulro autem se se no-  
stris aut patribus, aut maioribus prodiderunt?  
Nam & coelestium orbium numerus, & stellarum  
errantium motus multo profecto certius ab his,  
quam ab illis est & inuestigatus, & traditus, & ter-  
ra ipsius remotissimæ, ac penitus abditæ partes,  
quas non solum non penetrauit antiquitas, sed ne  
adiri quidem posse natura ipsa repugnante existi-  
timauit, maximo sunt & consilio, & animi ma-  
gnitudine peragratæ. Iam uero & ad alienissimas,  
ac maxime longinquas nationes uel usus, uel ui-  
ctoriaæ cauæ non modo comparata est nauigatio  
melior, sed & res ipsa militaris, ac bellica nouo  
quodam, & ante inaudito exitiabilis tormentorum  
genere redditæ est instructior. Remp. uero, & po-  
puli libertatem, quam cum alij ante multi, tu  
maxime Romani summo consilio, & tractasse, ac  
defendisse semper uidentur, nunc multo certe pru-  
dentius patres uestri & gerunt, & tuentur. Itaque  
ut illi bellicis fortasse artibus, sic hi domesticis, ut  
illi Imperij magnitudine, sic hi diuturnitate iure  
gloriantur, siquidem inde uel cum hostibus, uel



inter ciues perpetuo dimicatum est, hinc optatissimæ pacis fructus domi, forisque partæ quotidianæ percipiuntur. inde pauca quædam grauioris imperij lustra, hinc iustioris dominatus infinita iam propè sæcula numerantur. omitto situs urbium huius inauditam ante opportunitatem, quæ tanta esse creditur, ut hæc una in terris ciuitas ad imperium, ad decus, ad æternitatem propemodum condita uideatur; præterea admirabilem totum magistratum rationem, incredibilem in iudiciis æquitatem, maximam omnium rerum inter ciues ipsos æquabilitatem, cæterasq; omnes huius præstantissimæ Reip. partes non solum inter se, sed etiam cum optimo, ac perfectissimo ciuitatis genere pulcherrimè congruentes. Cuius speciem ueteres illi optimi viri, atque omnium sine dubio prudentissimi animo finxerunt potius, quam aut uiderunt unquam, aut audiuerunt, aut omnino futuram ullam aliquando in tam corruptis hominum moribus sperare ulla ratione potuerunt. Quibus ex rebus satis intelligi potest, non solum tandem nobis, quæ ueteribus aciem ingeniorum manere, sed si exercitatione acuantur, multo ea & meliora, & præstantiora futura esse. Nam quod rerum, scriptorumque, quibus in dies magis obruantur multitudine perterreri se quidam dicunt, id est eiusmodi, ut nimia potius eorum penuria deploranda, quam non necessaria copia exagi-



tanda sit. Etenim qua re alia dii immortales in  
tantas his temporibus optimarum artium delapsi  
sumus angustias, quam quod ad eas cognoscen-  
das propè innumerabilibus sumus præsidiis, qui-  
bus superiora abundarunt saecula, destituti? ubi  
enim philosophi sunt illi, qui & ante, & post Pla-  
tonis tempora cum naturæ, cum morum ratio-  
nem diligentissime inuestigarunt? quorum tam  
magnus extitisse numerus traditur, ut quemad-  
modum milites in cohortes, sic illi in diuersarum  
sectorum quasi quasdam acies clauderentur? ubi  
tot oratores, tot poetæ, tot iuris, legumque con-  
sulti? ubi tot rerum gestarum, atque annalium,  
& historiarum scriptores ornatisissimi, qui claris-  
simorum regum, & potentissimorum populorum  
facta Græcis, & Latinis literis consignarunt? ubi  
denique reliquarum artium auctores propè insini-  
ti? O C. Plini, maiorem appello, tu qui nobis mo-  
numentum illud unum industriæ tuae pro tot illis  
antiquorum millibus tradidisti, doce quanta tu  
patresq; tui ueterum testimoniorum copia abun-  
daueris, quanta nos, æqualesque nostri eorum  
dem inopia urgeamur, idemque hunc illis erro-  
rem eripe, qui nimis magna se eorum ubertate  
diffluere arbitrantur, non intelligentes, quam  
fœde omnia, aut inimicæ uetus tatis iniuria labet  
fecerit, aut imperitorum saeculorum incuria de-  
formarit. Quæ cum ita sint, sanè efficitur, ut

quem,



quē madmodum nōnullarum recentiū rerum,  
 quæ scientia comprehendendæ sunt, paruo ne-  
 scio quo labore torquemur, sic contra plurima-  
 rum ueterum, quarum obsoletam iam nīmia an-  
 tiquitate cognitionem propè in perpetuum de-  
 plorauimus, grauiſſima cura leuatí ſimus, ita ut  
 quæ antiquiſſimis hominibus olim propè noua  
 uidebantur, ea nobis pro uetustiſſimis hoc tem-  
 pore habeantur. Nam quòd duabus linguis, iſi-  
 que alienis intolerabili propè cum labore perci-  
 piendis commoueri fe alii dicunt, ſtultiſſimum il-  
 lud dare documentum uidentur, ut qui nobis  
 post tot acceptas à barbaris clades, incredibili  
 deorum benignitate amissarum quaſi quidam the-  
 fauri artium commonistrati ſint, eos aut negliga-  
 mus, aut, quo nihil eſſe foediſ ſpotest, ab alienis  
 hominibus occupari, ac poſſideri, a quo animo  
 patiamur. quaſi uero hoc & nouum, & nunquam  
 antea factiratum ſit, ut quæ domi noſtræ non ha-  
 beremus, ea, ſi uetus ferret, aliunde ſumeremus:  
 niſi forte Græcos ipſos, aut Indorum, aut Aegy-  
 ptiorum, aut Phœnicum præclara quondam de-  
 creta approbasse, uoces autem, quibus ea trade-  
 bantur odiſſe, aut ſibi notas eſſe noluifſe arbitra-  
 mur. cum præſertim etiam conſtet alienis linguis  
 adeo ueteres ſtudiuiffe, ut non ſolum bellicofiſſi-  
 mus, & potentiſſimus rex Ponti Mithridates duo  
 rum & xx populorum, quibus iura dabat, lin-



21

guas perdidicerit, sed R̄omani etiam aliquot ho-  
stilem ipsam P̄œnorum linguam quod ea nescio  
quid scriptum forte non insulse erat, haud pror-  
sus sibi esse contemnendani putarint. Quæ si uo-  
bis probantur Aud, assentimini, & præclara di-  
sciplinarum genera ueterum linguarum despera-  
tione deserite, sin autem uere optimarum artium  
studiis nihil esse præstantius ducitis, quid est cur  
alienarum cognitionem linguarum, quas nulla  
unquam repudiauit antiquitas, omnis semper est  
amplexa humanitas, detrectetis? aut cur uel Græ-  
corum magis hoc tempore, quam illi quondam  
Aegyptiorum, uel Latinorum potius, quam illi  
Græcorum uoces honestissimas negligatis? ita ne  
uero? M. Cato homo Romanus Græcas literas,  
quas ante perpetuo fastidierat ultima iam sene-  
cute audiſſinie deuorauit, uos patrum uestro-  
rum tanta auctoritate commoti eas atque floren-  
tissima respuetis? multi Græci, non pauci Bar-  
bari Romanarum quondam literarum causa ma-  
ria etiam transmiserunt, uos germana Romano-  
rum progenies Romana ipsa monumenta domi-  
uestræ reiſcietis? omnes ciuitates, omnes popu-  
li, omnes denique omnium terrarum gentes mo-  
do aliquasint humanitate imbutæ non modo scho-  
las, sed etiam fora, templa, cœtus, congressus Græ-  
cis aut Latinis circumsonare uocibus honestissi-  
mum, atque grauiſſimum esse censem, uos in ea  
ciui-



ciuitate nati, quæ amplissimum omnis semper hu-  
 manitatis, atque doctrinæ domicilium fuit, aures  
 uestras ad eas audiendas ullo aut labore, aut de-  
 speratione claudetis? ò fallaces & inanes uestrum  
 cogitationes, qui hanc urbem in eam spem con-  
 didistis, ut Romanam Remp. quæ tum funditus  
 erat euersa, si non amplitudine imperii, at certe  
 liberalium artium studiis, quæ tum toto terrarum  
 orbe pulsæ iacebant, superaret. siccine hanc iu-  
 uentutem post tot sæcula propagasti, quæ inge-  
 niis prædicta singularibus, artes eas, quas ab om-  
 nibus iam populis tecto exulantes exceptas, ma-  
 iores sui etiam ciuitate donassent, spretas excede-  
 re ciuitate ingeniorum diffidentia sineret? siqui-  
 dem aut rectissimam quanque artem tollatis  
 Aud, oportet, aut linguas, quibus illæ proditæ  
 sunt, conseruetis. Quod si sine ijs nec satis com-  
 munis uita constare, nec moderatio in ciuitate ma-  
 nere, nec omnino ulla haberi ratio humanitatis  
 potest, profecto & hæc, quæ tantorum bonorum  
 amplissima quasi quædam seminaria sunt, diligen-  
 tissimè defendenda sunt. Nam si ea loca, in qui-  
 bus aut aurum, aut æs, aut argentum effodiun-  
 tur, quibus humana libido turpissime plerunque  
 abutitur, tanta diligentia obuallantur, quanto  
 nobis studiosius secreta nobilissimarum artium  
 quasi latibula retinenda sunt, quibus amplissimis  
 præmiis accendimur ad memoriam gloriæ sem-

D



piternam? Neque enim audiendi sunt illi, qui exi-  
guis nimium se præmiis ad tantos labores prædi-  
cant inuitari. sunt enim iis, qui in libera ciuitate  
uixerint, ampla, qui liberam ciuitatem admini-  
strauerint, amplissima proposita præmia, quæ  
partim maximorum in honorum adeptione, par-  
tim in egregia & præsentium, & futurorum ho-  
minum opinione, partim moderata fortunarum  
in amplificatione, qui quanquam leuissimus fru-  
ctus est, uulgarī tamen æstimatione longe om-  
nium grauiissimus habetur, sita esse ducuntur.  
Quamobrem cum & res, quæ cognoscendæ sunt,  
paucæ, & uires ingeniiorum ualidissimæ, & præ-  
mia ad excitandos animos sint amplissima, nolite  
diffidere Aud. ueterum etiam laudem eorum,  
quos tantopere admiramur, quancunque ad ar-  
tem animum adiunxeritis, aut facile æquaturos,  
aut quæ finitima gloria est, ad eam proxime ac-  
cessuros. Quod ipsi et si futurum nullo un-  
quam tempore desperauí, tamen auget nunc  
multo etiam magis spem meam perspecta mihi  
uirtus, & industria uestra. Me certe cum mea  
perpetua erga istum ordinem singularis uoluntas,  
tum hodiernus iste uester in hunc locum, quasi  
ad pristinam eloquentiæ possessionem recuperan-  
dam incredibilis concursus ita ad hanc causam  
inflammat, ut me dies, noctesque nihil aliud,  
quam de uestris commodis cogitaturum esse



profitear . Et quæ enim causa est , cur non per pe-  
 tuo pro istius utilitate confessus laborem? cum &  
 ipse ab hoc fonte ad nonnullam hominum fa-  
 miam profluxerim , & meus quotidianus hic la-  
 bor ad aliquam hominum existimationem isto-  
 rum commendatione subselliorum paulo latius  
 dimanauerit? Quamobrem uigilabo quidem mea  
 sponte (ut dixi) pro uobis libenter , at multo cer-  
 te etiam libentius , quod intelligo me à uobis ita  
 audiri , ut maxima pars uestræ in audiendo laudis  
 ad aliquam mei etiam nominis celebritatem atti-  
 neat . ut quantum in uos utilitatis ex meo labo-  
 re , tantum in me laudis ex attentione uestra re-  
 dundet. **V**enetiis habita M D LIII.

**D**ii



# CAROLI SIGONII

## PRO ELOQVENTIA

### ORATIO TERTIA.



I quantum animi in quibusdam hominibus est hoc tempore Auditores ad præclara iuuentutis ingenia retardanda, atque omnino ad honestissima linguarum studia reprobanda, tantum in me ingenij ad eadem incitanda, atque ornanda reperiretur: profecto & ipse iampridem satis uestras mentes ad amplissima literarum præmia inflammafsem; & hæc studia ab indigna illorum criminazione me non incommode hodierno die esse defensurum sperarem. Etenim cum duo sint hominum genera, à quibus potissimum clarissimus iste uester ad laudem cursus impediatur, unum, qui uniuerso literarum generi, alterum, qui rediissimæ huic linguarum rationi præcipue se inimicos esse præse ferant, cumque priore anno uehementius eorum opinionem increbuisse animaduerterem, qui dicerent, non esse cur hoc tempore doctrinæ studia tractaremus, quod non licet ad ueterum illorum, quos imitati essemus, gloriam aspirare: tum



tum toto eo de genere illa dixi , quæ sententiam eorum , ni pertinacius , quam sapientius agerent , facile posse frangere uiderentur . Nunc uero cum præclarum hoc linguarum studium ab alteris op pugnari intelligam , idque ab ijsdem tum ut pa rum necessarium , tum ut nimis leue contemni , ac derideri , tanto mihi alacrius eiusmodi defensio nem suscipiendam esse existimo , quanto nos pro prius horum , quam illorum accusatio petit . Ne que uero si in nos à rudibus quibusdam , atque indoctis hominibus impetus fieret , summopere mihi de conatibus eorum reppellendis , ac uindicandis esse contendendum putarem . uerum cum intelligam , ut quisque uehementissime in rerum cognoscendarum studio elaborat , ita maxime nostram hanc quasi uerborum (ut illi uocant ) disciplinam illudere , atque sua ipsorum auctoritate , quæ magna est , imbecillos multorum animos à rectissima studiorum ratione deducere , facere non possum , quin solenni præsertim hoc die , quem unum ex omnibus pulcherrimum incredibilis uestra frequentia mihi reddit , atque in tanto literatissimorum hominum concursu paucis iniustæ illorum accusationi respondeam . Quos tamen ita sentientes homines ut gratulor in hac amplissima urbe reperiri nulos , sic ne , quando iam reliquam Italiam hæc opinio peruagatur , tan quam pestilentia continentis uulgata tibe hanc



21

demum etiam purissimam ciuitatem inuadat, mihi in primis, cui publice tuendae eloquentiae negotium datum est, esse existimo prouidendum. Sed quoniam (ut dixi) acrius illi, ac uehementius agunt, quam ut nos ornate, ac copiose protantae rei magnitudine respondere possimus, uestra erit humanitatis, atque prudentiae, quae pro uobis in officio retinendis verissime disputabimus, ea benigno, atque attento animo audientes falsis illorum reiectis criminibus singulari uestro potissimum studio comprobare. Magna igitur, ac molestia admodum mihi causa suscepta est Audit, quippe quae non maiorem ingenii facultatem requirat, quam animi dolorem acriorem eliciat. Neque enim facere possum, cum uehementius in hanc totam linguarum questionem intueor, quin funestum earum, ac miserabile quoddam quasi fatum deplorem, quibus internecium video bellum ab indisertis hominibus propè in perpetuum esse indictum. Taceo enim cladem illam, quam ipsæ ingentem maiorum nostrorum memoria ab indoctis, & rudibus illis saeculis acceperunt: quia idcirco leuius quodammodo ferendam illis esse censeo, quod ea ab reliquarum omnium artium pernicie incredibili nulla ratione seiungi potuit. Uerum illud queror, cum reliqua disciplinae omnes hoc tempore singulari quodam deorum munere ex diuturna quasi iactatione releuatæ enteant,



teant, hoc unum linguarum studium quorundam hominum pertinacia, ne pristinum dignitatis splendorem recuperet, impediri. Quod ipsum eò mihi esse uidetur indignius, quòd & per eas stetit, quo minus eximia reliquarum artium monumenta paulo ante perniciose barbarorum impetu labefactata conciderent, & ab ijs oppugnantur, à quibus merito præsidii aliquid expectare deberent. Nam si qui huic studio iniqui sunt hoc tempore, atque infesti, ex eorum sunt potissimum numero, qui se philosophiarum studio dederunt, quorum eam ferè rationem esse possis animaduertere, ut nobilissima, purissimaque ueterum philosophorum decreta aut deformato, inquinato que Latino sermone explicent, aut si qui paulo, quam ipsi emendatius, atque ornatius ea tractent, eos leues homines, & parum quid maiestati philosophiarum conueniat, attendentes appellant. Qua in re illud primum mihi pergraue uidetur, quòd orbem ipsum doctrinarum, quas misericordia quodam inter se vinculo iunctas esse accepimus, dissoluere, ac reuellere linguarum ipsarum uituperatione conantur; deinde quod ea despiciunt, quæ omnium hominum consensu firmissima sunt quasi omnium disciplinarum, atque artium fundamenta. quasi uero aut ars ulla sine opere alterius probè intelligi, aut doctrina aliqua possit sine linguarum potissimum notitia com-



prehendi . Ac apud ueteres quidem quanta diligentia, ac propè religione hæc ipsa bonarum artium societas , atque cognatio culta sit , hinc intelligi potest , quòd neminem in una excellere arte , qui non omnes attigisset posse opinati sunt; adeo ut non philosophis solum cognita esse oportere omnia , sed ne artifices quidem humiliores sine philosophia , id est sine uniuersa quadam omnium disciplinarum scientia recte in suo munere uersari posse existimarent. Quæ concordia si cui tuenda est , eis in primis merito uidetur tuenda esse, qui se omnium studiosissimos esse sapientiæ profitentur. Quod ipsum quemadmodum assequi sine singulari quadam linguarum intelligentia possint , profecto ne ipsi quidem credo facile demonstrabunt . Nam si quod quisque sentit , id ipsum quale sit, nisi uerbis enuncietur, apparere non potest, et si omnino nostræ mentis ipsa est interpres oratio , iam illud perspici aperte potest , si quæ quisque acutè inuenit , ea aliis tradere uel alienæ utilitatis , uel suæ ostentationis gratia uelit , ne hæc quidem esse , quibus illa quasi contineri dentur , ornandæ , ac quodammodo facienda orationis studia negligenda . ut enim nobiles architecti in construenda præclara domo non parietum magis , aut culminis rationem habent, quam fundamenti, sic ne egregijs quidem philosophis eximia sibi potius sapientiæ præcepta nota esse



esse oportere ; quam uerborum , quibus illa quodammodo sustinentur subsidia , statuendum est . Quam rationem ueteres certe philosophi , qui solum hoc grauiissimo nomine digni fuisse uidentur , studiosissime obseruarunt . Nam Theophrastum quidem , & Aristotelem adeo storuisse dicendo accepimus , ut ille diuinitate loquendi nomen inuenierit , hic etiam aureum flumen orationis fusisse existimatus sit . Nam quid de Xenophonte dicam , atque Platone ? quorum alterius uoce Musas quasi esse locutas ferunt , alterius , Iouem ipsum , si grāce locutus esset , locuturum fuisse ? Complectar uno uerbo : Nemo ferē ex ueteribus illis philosophis , à quibus tanquam ab uberrimis quibusdam fontibus omnis ad nos philosophia cognitio emanauit , bonus intelligendi magister fuit , qui non idem etiam dicendi grauiissimus auctor extiterit . Cur autem non sit ? quia uerborum , inquiunt , leuissimum studium est . acute , an uero cuiquam unquam leue uideri illud demum studium debet , in quo summi philosophorum principes Plato , & Aristoteles tantopere uigilarunt ? Dux sunt enim huius quasi doctrinæ partes , una , quæ poetam , altera , quæ oratorem informat . Has autem ambas adeo accurate , atque eleganter ijs , quos paulo ante comimemorauī , commentariis etiam editis pertractarunt , ut quod his artibus præsidij adsit , ac dignitatis , id omne accepit .



ptum duobus illis maximis auctoribus referant.  
Quodque præstans illorum de grauitate horum  
studiorum apertius demonstrare iudicium potest,  
Aristoteles ipse ad ea, quæ tam præclare de di-  
cendi artificio scripsit, non pulcherrimi sui studii  
contentus gloria, Isocratis rhetoris laude incen-  
sus accessit. immo uero, cum florere eum nobi-  
litate discipulorum uideret, & ipse Rheticam  
docere, & ludum habere uoluit, cum diceret in-  
decorum esse se tacere, Isocratem loqui. Quan-  
quam quid aut oratorum artem potissimum no-  
minem, aut poetarum? quas uel usus, uel doctri-  
næ ratione optabiles nemo unquam in Græcia  
præsertim harum omnium disciplinarum paren-  
te, atque altrice contempsit? Quid? Romæ ubi  
quondam propter perpetua militiae studia nulla  
ex græcis artibus in pretio fuit, quippe qua ex ur-  
be philosophi, ac rhetores omnes acerbissimo  
etiam decreto aliquando sint exacti, non ne eius  
etiam artis præcepta, quæ non ornatae, sed emen-  
date loquendi principia continet, Varro, & Cæ-  
sar summo studio tradiderunt? at qui uiri? iij quo-  
rum alter summarum disciplinarum cognitione  
Romanos ante se omnes, alter rerum gestarum  
magnitudine omnes ex omni memoria homines  
sine controversia uicit. Ergo ueteres illi non so-  
lum de philosophia ornatae scripserunt, sed ratio-  
nem etiam ornatae dicendi aliis tradiderunt, nos  
non



non solum impure de nostris ipsorum studiis dis-  
 sputabimus, sed si qui paulo castius loqui studue-  
 rint, eos leues, ac contemnendos homines esse du-  
 cemus? illi in maxima aut scientiae aut imperii  
 gloria ne grammaticæ quidem artis tractationem  
 sibi indecoram esse duxerunt, nos nisi qui præce-  
 pta omnia contempserint grammaticorum repu-  
 diabimus? Hæc igitur quondam principum phi-  
 losophorum, atq; summorum uirorum ratio fuit,  
 quam nescio cur nostri non hoc tempore imiten-  
 tur, ut ipsi secum quantum profiterentur, quoti-  
 die cogitarent, cumque se rationem intelligendi  
 profiteri animaduerterent, ne loquendi quidem  
 artem à sua cognitione alienam esse arbitraren-  
 tur. Quamobrem non tam quid sentirent, aut  
 agerent, quam quemadmodum ea dicerent, quæ-  
 rebant, neque rerum solum, sed etiam uerborum  
 à se exempla peti oportere censebant, neque in  
 hoc studio tantum, quia necessarium, uerum  
 etiam quia graue, & honestum esse ducebant, di-  
 ligentissime uerfabantur. Ostendi ipsam hanc  
 quasi uerborum scientiam, quam solam oratori-  
 bus, atque poetis propositam esse isti putant, plu-  
 rimum in se habere & necessitatis, & dignitatis.  
 Quid si eosdem illos non uerborum magis esse,  
 quam rerum indagatores, atq; artifices probem?  
 Etenim potest ne aut res exprimi sine uerbis, aut  
 oratione quicquam nisi res aliqua demonstrari?



Quid autem aut oratores oratione , aut poetæ  
 versibus suis aliud complectuntur, quam quæ præ-  
 stantissimis philosophorum libris continentur ,  
 atque præceptis ? Dicam primum de poetis, quo-  
 rum quibusdam difficilior fortasse ratio esse ui-  
 deatur . Poetarum igitur dico reconditam quan-  
 dam esse doctrinam , eandemque ex ipsius philo-  
 sophiæ penetralibus esse depromptam . Atque  
 hoc quidem unusquisque , qui nobilium præfer-  
 tam poetarum scripta paulo accuratius legerit, fa-  
 cillime comprobabit . Etenim quis est in philoso-  
 phia locus siue de naturæ primordiis quæras ,  
 siue de rerum coelestium causis , iisque , quæ sunt  
 in aere perturbationibus , siue de natura animo-  
 rum, siue de rebus expetendis , & fugiendis , siue  
 de ratione rerum publicarum, quis est inquam lo-  
 cus in philosophia eiusmodi ab optimo quoque  
 poeta idoneo tempore prætermisso ? Quod uero  
 multo maiorem habet admirationem, hi non quid  
 unus, aut alter eiusmodi de rebus senserit, tenent,  
 sed omnes omnium sententias habent notas , ne-  
 que perpetuo , ut illi , opinionem unam , sed mo-  
 do hanc , modo illam pro libertate artis tue-  
 tur . putant enim eò admirabiliorem suam ipso-  
 rum scriptionem fore , quo pluribus eam , iisque  
 inter se dissimilioribus sapientum sententiis, quasi  
 dissimilium quorundam pigmentorum uarietate  
 distinxerint . Iam uero quanti illud faciendum esse  
 uidetur ,



uidetur, quod in scribendo poeta non veterum  
 magis decreta philosophorum sequi solent, quam  
 ipsi ratione uti philosophorum? Quid est enim  
 tam philosophi, quam eximiam quandam uirtu-  
 tis speciem, quam ipsi ideam appellant, posse ex-  
 primere? at poetas non semper animaduertas res  
 tales, quales sint, fuerint ue effingere, sed plerun-  
 que à rei ueritate recedentes, aut famam sequutos  
 hominum eas eiusmodi simulare, quales popu-  
 laris oratio celebrarit, aut certe perfectionem  
 quandam uirtutis exquirentes, quales oporteat,  
 oportuerit ue configere, eosdemque non in  
 singulorum uirtutibus exponendis, sed ferè in uni-  
 uerso uirtutis genere, & natura describenda phi-  
 losophorum more uersari. Quamobrem iure  
 Aristoteles poetas omnino philosophis esse simi-  
 les affirmauit. Puderet me in re maxime seria id,  
 quod dicturus sum dicere, nisi huius dicti grauis-  
 simum omnium philosophorum Platonem au-  
 torem haberem. Tanta, ac tam admirabilis poe-  
 tarum doctrina est, ut eam non ex humano, sed  
 diuino emitti pectore antiquitas arbitrata sit.  
 Siquidem poetas Apollinis, Musarumque afflatu-  
 uersus fundere, eosque à Musarum hortis quibus-  
 dam, & syluis carmina ad nos afferre traditum  
 est. neque uero ante efficere quicquam poetam  
 ipsum posse, quam diuino quodam instinctu afila-  
 tus sit, & è sua sede mens pulsa sit, atque dimota.



Deum autem eorum mente elata ijs ministris propter ea uti, & uatibus, ut nos, qui audimus intellegamus, non eos esse, qui illa tam præclara dicant, qui mente careant, sed Deum esse, qui loquatur. Dux de poetis, nunc breui de oratoribus est dicendum. quorum scripta si quis proprius inspexerit, ea non magis ex rhetorum, aut grammaticorum scholis, quam ex eruditissimis dialecticorum, & philosophorum spatiis prodiiisse fatebitur, quippe quorum præceptis informatos, atque imbutos eos ad dicendum uenire oportere Aristoteles etiam prudentissime, uerissimeque censuerit. Atque hoc quidem studium cum in communi uitæ usu, tum maxime in gerenda Rep. & humana societate concilianda quantum ualeat, illud esse argumento potest, quod quæ homines uis sæpe facere recusarunt, ea facile prudentis oratione uiri deliniti fecerunt, præclare, Eloquentiam enim quoddam quasi regendæ ciuitatis instrumentum esse ueteres prudentissimi homines crediderunt, ut quemadmodum nauis non à gubernatore solum, sed etiam à clavo, & equus non ab equite tantum, sed etiam à fræno regeretur, sic ne Resp. quidem ipsa prudentia magis, quam eloquentia magistratum gereretur. Itaque scite Homerus magnos illos reges, &, ut ipse inquit, Iouis satu genitos non magis imperio, quo plurimum ualebant, quam oratione populos sibi di-  
ao



do audientes reddidisse, nec studiosius louem  
 consiliij parentem, quam Musas eloquentia  
 matres ueneratos esse inducit. Quod si hoc à regi-  
 bus factum est, quibus aeterna propè concessa est  
 ad imperandum, & cogendum potestas, quanto  
 à magistratu ipso, qui paulo post priuatus futu-  
 rus est, obseruari diligentius debet, ne multitudi-  
 nis animos quo uelit aliqua imperii ui, sed solis  
 blanditijs orationis adducat? Est autem ita com-  
 paratum, ut quemadmodum homo constat ex  
 animo, & corpore, atque is quidem imperat, hoc  
 uero paret, sic & mentem, & linguam ad admini-  
 strandam ciuitatem adhibeamus. atque ut gu-  
 bernatoribus quidem nauium imperantibus præ-  
 sto sunt, qui mandata excipient, atque aliis tra-  
 dant, sic Reip. procurator mentem quidem, quæ  
 imperet, habeat, linguam autem, quæ imperata  
 accipiat, atque ad alios deferat. Quamobrem si  
 menti lingua obtemperat, & ad occulta eius sen-  
 sa promenda parata sedet, quid interesse inter eo-  
 rum, qui mentem, & qui linguam excolunt stu-  
 dum potest? aut quis est tam ignarus rerum, qui  
 non intelligat materiam utrique esse subiectam re-  
 eandem, ratione dissimilem? Quod ipsum cum  
 sapientissimus olim poeta quidam intelligeret,  
 propterea recte, quod tres linguas teneret, tria se  
 corda habere gloriabatur. ut enim palatus sine  
 corde sapere non potest, sic ne lingua quidem.



nisi quod in intimis cordis sedibus sit , potest efferre . Quæ cum ita sint , quis est , qui hæc studia aut superuacanea , aut leuia , aut plena uerborum , inania prudentiæ ducat , nisi qui quod ipse assequitur propter ingenii tarditatem , uel propter laboris magnitudinem posse diffidit , id in alio demandandum esse existimet ? neque uero hoc uerbo usus sum temere Audit . noui enim eorum , qui hæc iactant , industriam , atque doctrinam . Etenim cum & ipse ab ineunte ætate publicis in gyman- siis assiduè philosophiæ causa uersarer , fiebat , ut cum eiusmodi hominibus una essem quotidie . Me autem domesticus usus , & communis uitæ coniunctio docuit , eorum , quibus in primis hæc studia sorderent , doctrinam esse exiguum , infantiam singularem . pauca enim eos quædam peripateticorum decreta tenere , eaque tanquam religiosissima , atque sanctissima custodire . tribus , aut summum quatuor iam peruagatis responsiorum generibus omnibus , quæ in naturæ cognitione propositæ essent quæstionibus occurrere solere . has autem non Græco sermone explicare de quo nihil nisi fama accepissent , non Latino , quem irriderent , sed nouo quodam , & ante inauditio loquendi genere , de quo ne inter omnes quidem eos conueniret , cum suorum sibi quisque non uerborum , sed portentorum faber , atque opifex esset , exponere , reliquarum artium omnium ,



nium , quæ ad humanitatem pertinent , eos planè expertes , ac rudes esse . hac illos ratione sibi philosophi nomen arrogare , & se tanquam Peripateticos uenditare ex diurna ( ut dixi ) eorum consuetudine iampridem animaduerti . Quos quidem si non iudicio , sed desperatione ad hanc sententiam tanquam ad scopulum ab æstu , & tempestate adductos esse dicam , quod duarum linguarum cognitionem , & magnitudinem exhoruerint , quod maximos orationis illustrandæ labores pertimuerint , quis est , qui me iure reprehendere possit ? præsertim uero cum ea studia , quæ à se aucta , & ornata magister eorum uoluit Aristotelles , ipsi sibi uituperanda , atque damnanda suscepserint : ò corruptos huius nostri sæculi mores , & penitus depravatam ueterem disciplinam . philosophi quandam etiam nobilissimi magistris dicens studiose operam dabant . ( siquidem Musonium Hermogenem diligentissime audisse proditum est .) nunc rhetores à philosophis uel infantilimis irridentur . illi sibi dedecori esse ducebant , nisi ornate quæ sentirent eloquerentur , hibi uitio tribuunt , nisi omnia impure , & depravatè loquantur . illi suo exemplo iuuentutem ad mentem , & linguam excolendam , & quodammodo subigendam , quoad poterant , accendebant , hi perpetua linguarum exagitatione à summa gloria ciuitatum studia deterrere conantur . Quan-

F



quam (ut dixi) gratulor, tam perniciosa opinio-  
ne nondum huius ciuitatis animos esse imbutos.  
uiget enim & (ut spero) in perpetuum uigebit in  
hac ciuitate antiquæ disciplinæ ratio, & quem in  
optima quaque adhuc semper habuit, eundem in  
hac Rep. habebit eloquentia locum. Sed ne in  
aperta undique urbe eiusmodi opinioni aditus es-  
se posset, uoluimus à quibus uobis cauedum esset, ante  
denunciare ac potius nimis uobis cautus in re for-  
tasse non admodum necessaria iudicari, quam pa-  
rum uestræ utilitatis, & laudis studiosus existima-  
ri. tantum enim abest, ut philosophos ulla ratio-  
ne contemnam, ut ipse eorum, qui illos non ad-  
mirantur, sed propè uenerantur, appetam princi-  
patum. Itaque quod ab his studiis mihi concedi-  
tur temporis, id omne libenter in eorum præce-  
ptis cognoscendis consumere soleo, ac tum deni-  
que ornatè mihi dixisse uideor, cum sapienter me  
dixisse intelligo. Quamobrem ne in hac arte tra-  
ctanda omnino à nobilissimis philosophorum in-  
stitutis, & maxime Aristotelicis recederem, statui  
uobis hoc anno libros Aristotelis de arte rheto-  
rica, atque poetica interpretari, partim ut intel-  
ligerent omnes, ne hæc quidem studia nisi à phi-  
losophis else profecta, partim ut scirent, quan-  
quam natura in utroque genere maximum habet  
momentum, tamen artem ipsam ab optimo au-  
tore traditam imbecillam etiam naturam posse

quam



quam maxime confirmare. Nolite enim assentiri  
 ijs Aud. qui poetam ingenij magis viribus exci-  
 tari, quam doctrina perfici putent, eumq; à Mu-  
 sis potius, quam ab huius artis doctoribus erudi-  
 ri, sunt enim hæc quondam à philosophis, & à  
 poetis ad studii huius dignitatem, & amplitudi-  
 nem comparata, quæ reuera aut nulla unquam  
 fuerunt, aut certe nunc nulla sunt. ubi enim sunt  
 istæ Musæ Aud. quærите, pergrate Thraciam,  
 ubi Libethra, perlustrate Phocidem, ubi Parna-  
 sus, circuite Boëtiam, ubi Helico sacrum eis esse  
 domicilium dicebatur, nusquam eas mihi credi-  
 te inuenietis. habitant enim nunc Musæ, habitant  
 in pulcherrimis, eruditissimisque ueterum poeta-  
 rum, & antiquorum eius artis magistrorum scri-  
 ptis, atq; ibi sacrarium suum augustissimum col-  
 locarunt. Quare qui se ad eorum lectionem stu-  
 diose contulerit, quique singularem illam dicendi  
 uim, quantum poterit, fuerit imitatus, hunc de-  
 num & Musis amicum esse, & ex earum præscri-  
 pto uersus facere prædicabimus, hunc amabimus,  
 hunc admirabimus, hunc denique in cœlum lau-  
 dibus efferemus. Quamobrem si res ulla tanta  
 potest esse, quæ ueltras mentes ad laborem poscit  
 quasi quibusdam facibus inflammare, hæc studia  
 illa sint, in quibus merito quodam quasi ardore  
 gloriæ conflagretis. Etenim si athletæ, cæteriq;  
 qui viribus freti corporis ad depugnandum de-



scendunt omni nenuorum conatu diurnæ propè  
laudis gratia in aliquo populari confessu conten-  
dunt; quanto uos acrius niti uiribus ingenii decet,  
quibus in maximo propè orbis terrarum theatro  
positis perpetua, æternaq; laus est constituta? nam  
ut corpus mortale, atq; caducum est, animus im-  
mortalis, atque æternus, sic etiam ea, quæ corpo-  
ris robore pariuntur, fragilia, quæ uero animi ui-  
ribus, perennia, & semiperna putanda sunt, quæ  
eò etiam præstantiora, atque maiora existunt, quòd  
omnia sunt in uestra uirtute, ac diligentia sita,  
cum cætera plerunque fortunæ fallacis arbitrio  
gubernentur. Vrgete igitur hanc tam præstan-  
tem occasionem Iuuenes, atque repudiatis malis  
suasoribus in hæc studia incumbite, quibus nulla  
aut ad usum uberiora, aut ad delectationem sua  
uiora, aut ad laudem illustriora reperiuntur. Ha-  
betis ætatem opportunissimam ad discendum,  
scriptores ornatissimos ad imitandum, interpre-  
tem uero cum ante alias, tum hoc maximè tempo-  
re ad uestras utilitates incensum, & inflamma-  
tum. alios fortasse populos contemnere eloquen-  
tiam decet. uos ad tantam gloriam, & amplitudi-  
nem imperii, atque Reip. natos huic comparandæ  
profectio indormire non decet.

Venetijs habita M D L I I I I.  
CARO



# CAROLI SIGONII<sup>23</sup>

## PRO ELOQVENTIA

### ORATIO QVARTA.



I quis est , qui miretur Auditores, cur aliarum omnium artium plures hoc tēpore , quām literarum in studio elaborent, is tum denique meo iudicio mirari desierit,cum ueram huiusce facti causam mente , ac cogitatione comprehendenterit . Mihi quidem in hæc acrius intuenti cum multæ aliæ probables huiusce rei rationes, tum hæc una in primis posse reddi uidetur , quod reliquæ artes uel propter usum , uel propter oblectationem magno nunc apud homines in precio sint , literarum studia uel rerum obscuritate , uel discendi labore propè ab omnibus deserta iamdiu obfolescant. quanquam non omnium literarum eadem uidetur esse conditio. ut enim earum quodque studium maximè uendibile est, ita uehementissime à nobis hoc tempore celebratur. age enim legum,ac iuris cognitio summas afferre opes iurisperito in ciuitate existimatur : morborum curandorum ratio magna item habere ad tuendam uitam adiumenta credi-



• tur, ergo omnino non improbantur, at uero philosophiam, & eloquentiam, idest bene de omni proposita re sentiendi, dicendique rationem pauci admodum amplectuntur. Sed de philosophia alio loco, nunc, quod ad nos attinet, de eloquentia disputemus. quæ quidem in hac ciuitate eò indignius oppugnatur, quò aliunde pulsa ab hac Rep. humanius excepta, ac iam per multos annos liberalius culta est. ut uerendum magnopere videatur, si quod alii alia ratione moliuntur, efficerint, ne ex nobilissimo hoc libertatis, & gloriæ domicilio, in quo iampridem honestissime commoratur, exacta, uix regionem ullam inueniat, in qua ipsa libera conquiescat. Quamobrem præstantiam hominis alii merito hoc loco uerbis extollant, de uirtute alii, atque de optima Rep. discent, ego uero, cui in hac ciuitate patrocinium eloquentiæ publicè commendatum est, eloquentiæ studia (ut soleo) publicè hoc loco defendam. à quo autem defendam? non ab alienorum querundam ab his studijs hominum impetu, quod priore anno suscepi, sed ab eorum, qui dicendi in primis grauitatem, & copiam admirantur. Quo fit, ut hæc quam illa, quemadmodum iustior, sic actior defensio futura sit. siquidem tum à barbaris apertissimis hostibus, nunc à disertissimis inimicis, & huius potissimum gloriæ cupidis, idest à suis clam præclara hæc dicendi ratio oppugnat.



tur. Est enim non leue genus quoddam hominum, qui eloquentia studio tenentur illi quidem, uerum eam non eruditorum hominum arte continentari, sed in quodam ingenii genere uersari statuant atque naturam ipsam, qua non repugnante magna se atque praeclara omnia assequuturos esse in dicendo confidunt, ita amplexantur, ut locum propè nullum in hac facultate doctrinæ relinquant. unde autem, aut quibus potissimum rationibus, ut ita sentiant, adducuntur? primum superuacaneum laborem suscipi censem, si cum sine studio ad summam peruenire eloquentia glo- riam possint, frustra doctrinæ ipsius adiumenta, atque præsidia querant. deinde cum multo faciliorem esse naturæ uiam opinentur, artis obscuritatem, ac præceptorum uarietatem, & multitudinem reformidant. postremò mouentur etiam nonnullorum exemplo, qui quanquam nec præcepta ulla didicerunt, nec ea scire curarunt, non minimam tamen in dicendo laudem adepti sunt. Quæ omnia quam leuia, atque inania sint Aud. Decreui uobis hodierno die, quo frequentes, ut soletis, in hunc locum ad intermissa hæc literarum studia reuocanda conuenistis, ostendere. nimirum ut in hoc genere non solum quid sequamini, sed etiam quid declinetis, me potissimum auctore, quod ita uoluistis, habeatis. Ego enim sic statuo, atque hoc quidem maximis etiam, ac



sapiētissimis uiris auctoribus cōfirmo, neminem  
non modo sine dicendi doctrina, sed ne sine om̄  
ni quidem sapientia excellere laude ulla eloquen-  
tiæ posse. Illud autem satis mirari non possum:  
tam rudi, atque hebeti quenquam ingenio repe-  
riri, qui cum totum hoc genus animo complecta-  
tur, artem aliquo modo à natura seiungat, atque  
sola uel natura, uel ratione duce se proficere quic-  
quam ad nominis celebritatem posse in hoc studiū  
genere putet; neque idem intelligat, se dum na-  
turam exornat, artem ipsam, quæ à natura tota  
profecta est, exornare. Etenim quid est aliud hæc  
sive ars, sive studium, sive exercitatio dicendi,  
quam collectio quædam, & coarceruatio rerum  
earum, quas oratores naturam intuentes in di-  
cendo suscipiunt? aut qui demum alij eximiam  
hanc uim eloquentiæ pepererunt, quam cum ab  
initio alii temere, alii consuetudine dicerent, qui  
quid esset, quare hi aptius, quam illi dicerent, ob-  
seruarunt? siquidem hæc antiquissima præcepto-  
rum omnium ratio fuit, non ut ea sequuti homi-  
nes eloquentiæ laudem assequuti sint, sed quæ sua  
sponte oratores facerent, ea quidem ut iudicio  
delegerint, oratione descripserint, generibus illu-  
strarint, partibus distribuerint. Ita non eloquen-  
tiæ ex artificio, sed artificium ex eloquentia fluxit,  
atque initium quidem dicendi natura, principium  
artis naturæ obseruatio introduxit. Hoc tam præ-  
claro



claro fundamento iacto, in eodem (ut dixi) regum genere artem uersari, atque naturam, nunc quæ deinceps innumerabilia consequantur, quibus mirabiliter augeri, atque ornari ars ipsa possit, attendite. Hoc enim dico, non eundem solum artis effectum esse, atque naturæ, sed multo quoque nobiliorem, & præstantiorem esse, quam naturæ. quamobrem? quia natura ipsa per se rudis, & imperfecta est, nisi expoliatur, ac perficiatur ab arte. neque enim nos tales ipsa genuit, ut eam solam spectantes cursum uitæ confidere sine ratione, atque doctrina possemus, paruulos enim tantum in nobis ipsa scientiæ igniculus excitauit, atque exiguae quasdam rerum notitias informauit. Itaque ars adhibenda fuit, ut ad ea, quæ uix inchoata acceperamus, consequentia exquireret, quoad esset id, quod cupiebamus, effectum. Etenim (ut ad singula ueniamus) quid in paranda domo aut rudius fingi natura potuit, aut arte ipsa solertius? illa enim usum tantum, hæc etiam dignitatem quæsivit, illa tectum solum, hæc atria quoq; & uestibula fabricauit, illa denique ut solis, & imbris iniurias arceremus, hæc ut ibi etiam aliqua cum honestate commoraremur, ostendit. Referte nunc animum ad militarem, & oratoriam laudem, profecto reperietsis, ut nos naturam sequi omnem vim quacunque ope possumus à corpore, à capite, à uita nostra propulsamus, diu-



turna autem obseruatione diligentem quandam  
rationem armorum, telorum, copiarum, atque  
insidiarum comparauimus, sic quanquam ita fa-  
cti à natura sumus, ut & blandiri ijs, apud quos  
dicimus, & rem gestam narrare, & nostra confir-  
mare, contraria refutare, & ad extremum depre-  
cari, & conqueri sponte ualeamus, tamen nos hæc  
multo acutius, ornatius, ac diligentius quadam  
accedente doctrina esse facturos. Adde, quod tar-  
dius opus suum natura pròdit, subsidijs autem  
rationis instructa maturius. quid enim? non ne  
ualetudinem per se quisq; etiam sine medicamen-  
tis uel tueri, uel recuperare potest? cur autem ad-  
hibentur? nempe ut id fiat celerius. Terra item  
uario leguminum genere fœta fruges, sua sponte  
fundit. at quanto citius, si aliqua colendi quasi di-  
sciplina accesserit? Quod si in ijs, quæ in nostra  
potestate non sunt, naturam ipsam per se forte  
lentam industria incitamus, atque acuimus, pro-  
fecto multo facilius id faciemus in iis, quæ nostro  
prorsus ingenio comparantur. Quid quod mul-  
ta arte duce adepti bona sumus, quibus omnino  
nobis à natura fuerat interdictum? Etenim maris,  
atque nauigationis usum natura immenso freto-  
rum interuallo nobis intercluserat, ars aperuit. im-  
manium bestiarum comoda sustulerat, ars resti-  
tuit, aliarum occultarat, ars indicauit. Siquidem  
& naues, & nauigand rationem repperit, & equos,



bouesque mansuefecit, atque ad usum hominum  
 transtulit, & oves, quarum uillis consecatis, atque  
 consertis uestimur, quemadmodum alerentur, ut  
 ex iis fructus cultu, atque curatione nostra per-  
 ciperemus, edocuit. Ergo, ut appareat, ars necessa-  
 ria est ita, ut ne admirabilia quidem ipsa naturae  
 bona nobis suppeteret sine quadam ratione, atque  
 industria possint. Hoc autem uel maxime hinc  
 intelligi in dicendi studio potest. quis enim sine  
 philosophia, sine dialectica, sine legum, morum,  
 iuris scientia hanc laudem satis callide tueri, atque  
 acute poterit? at haec non ingenio magis, quam  
 industria, nec natura potius, quam doctrina per-  
 cepimus. Quid quod uitiosam, & mancam saepe  
 naturam ars necessariis rebus adiiciendis, redun-  
 dantibus amputandis emendat? ut enim segetes  
 foecundae, & uberes natura non solum fruges, ue-  
 rum etiam herbas edunt infestissimas frugibus, sic  
 feracissima ingenia multa parere, atque inuenire  
 ad dicendum aut leuia, aut parum utilia, & apta  
 possunt, quorum arte magistra diligens ab ora-  
 tore delectus habebitur. neque uero si quis obtu-  
 so forte, ac prauo erit ingenio, id ars ipsa non  
 acuet aliquo modo, & corriget, si arido, atque  
 ie uno non alet, atque augebit. Indicat nobilissi-  
 mi huius artis auctoris Isocratis peruagata illa sen-  
 tentia, qui cum Ephorum frenis, Theopompum  
 calcaribus egere dixit, quid aliud, quam in illo



præcipitem concitationem, in hoc lentam tarditatem corrigendam, ac parum rectum eorum ingenium doctrinæ cuiusdam quasi regula dirigendum esse intelligi uoluit? Cum ergo ratio eundem finem, quem natura intueatur, eundemque sæpe præstantius etiam, quam natura attingat, cumque multa bona, quibus nos natura quodammodo spolarat, ipsa suppeditet, atque omnino naturam adiuuet, & emendet, profecto apparet, quantum in homines detrimenti inferant, qui tam multa commoda despiciunt, irrident, reprehendunt. Etenim quid est aliud, cur nobis hoc tempore, idest tam serò natos esse latandum sit, nisi, ut multa ab æqualibus nostris prudenter, & acute in omni doctrinæ genere excogitata cognosceremus, quibus, qui superiore memoria uixerunt, indiguerunt? quorum ea uis est, is usus, ut iis demum cognitis uix carere uita hominum posse uideatur. an uero cæteris in rebus egregia ueterum hominum instituta, & præcepta retinebimus, in hac una tam uaria, & tam multiplici dicendi facultate repudiabimus? cur ergo Aristoteles, cur Cicero, cur alij summi viri tam multa dicendi præcepta literis, & memoriæ consignarunt, præsertim cum habitus ipse naturæ per se satis ad dicendum ualeret? an ut onus nobis minus necessarium imponerent? non profecto, sed ut excellentes ingenio uiros subleuarent, hebetes acuerent,



acuerent, inertes excitarent, postremo ut omnes  
 homines unde ueram, & solidam gloriam quæ-  
 rerent, haberent, non enim omnes homines eo-  
 dem prædicti ingenio eadem præstare natura ipsa  
 duce possunt, quæ arte possunt. neque enim in-  
 genium omnium est idem, at ratio omnibus est  
 eadem, quæ doceat, quæ instruat, quæ corri-  
 gat, quæ in uiam deducat. quamobrem omnes  
 quidam artis, pauci uero solis naturæ instructi co-  
 pijs ad summam aspirare laudem poterunt. Ego  
 porrò ita censeo, aut hoc totum orationis illu-  
 strandæ, ac cumulandæ eloquentiæ studium ab  
 omnibus repudiandum esse, aut prorsus ab om-  
 nibus amplexandum, cur? ne si qui nulla ad di-  
 cendum parati doctrina ueniant, ab ijs, qui parati  
 sint, si uel in senatu, uel in foro de Rep. uel de re  
 clientis inter se forte contenderint, inertia sua dē  
 nobilissimæ gradu uictoriæ depellantur. quam-  
 obrem? quia nemo ferè non in se habet naturalia  
 quædam ingenii semina, at artificium, non nisi  
 qui diuturno studio quæsuerunt, adepti sunt.  
**Q**uo fit, ut qui artem assumpserint, naturæ bono  
 ne careant, qui ingenium afferant, doctrinam, dum  
 eam contempserint, afferre nullam possint. Sed  
 hoc fortasse leue, quid illud? quām conteninen-  
 dum est? neque enim dubium esse potest, quin si  
 ars una corruet, reliquæ eodem concussæ motu  
 subito concidant, sunt enim artes omnes præser-



tim liberales adeo arcto inter se uinculo astricatae,  
ut quemadmodum altera uix sine alterius admini-  
culo constare, ita ne tolli quidem sine alterius in-  
teritu possit. an uero extingui oratoria laus po-  
test, nisi una gubernandi, & differendi ratio ob-  
scuretur, ac propè obruatur? quarum unius hæc  
quasi propago esse, alteri quasi ex altera parte re-  
spondere existimatur? aut omnino oratoris quis-  
quam studium delere, poetæ relinquere, aut has  
omnes artes remouere, reliquas constituere po-  
terit? quibus sublatis profecto incredibiles inge-  
niorum acies obtundantur necesse est. Etenim  
ubi industria, qua artes continentur, atque augen-  
tur, obtorpescit, ne ingenium quidem, quod ab  
ea acuitur satis ualere potest, cuius si lumen ex-  
tinguatur, uidete, quem tandem in locum omne  
hominum genus peruenturum putetis. siquidem  
humana uita ferro similis est, ut enim ferrum si  
exerceas, conteritur, si non exerceas, tamen rubi-  
gine pereditur, sic homines exercendo conte-  
runtur, si non exerceantur, inertia, atque torpe-  
dine plus detrimenti accipiunt, quam exercitatio-  
ne. ut autem socordia naturæ uires infirmat, sic  
socordiam tollit industria, quæ ipsa diurna con-  
suetudine confirmatur. Est etiam illud diligen-  
tissime prouidendum, ne quid ab hominibus  
committatur eiusmodi, quo humana natura pec-  
care possit, nam si paululum lapsa fuerit, ipsa fa-  
cile



cile pro sua infirmitate præcipitabit . Hoc autem aptissime consequemur , si nostro quisque ingenio non habenas effuderimus , sed frenum iniecerimus , nec suis ipsum fretum uiribus inani efferri insolentia permiserimus , uerum honestissimis industria carceribus ueterum summorum uirorum exemplo continuerimus . Quos quidem cum multis aliis de rebus summe laudandos esse censeo , tum quod cum de se forte arrogantius prædicarent , ingenio nihil , industria plurimum tribuebant , illud extenuabant , hanc augebant , illud dissimulabant , hanc præferebant . Quā multa enim naturae incommoda Demosthenes superaffe studio traditur linguae , uocis , spiritus , motus ? quam multa Cicero ? quam multa alii ? quā præcepta collegisse dicuntur ? num quia ingenio nullo essent ? non certe . eo enim excelluerunt . num quia solis naturae opibus se admirabiles in dicendo futuros esse desperarent ? ne hoc quidem quod naturae habitum propè diuinum ad dicendum attulerunt . cur tandem ? quia quantum tardum ac pingue ingenium excitari , atq; excoli præceptis , atque doctrina posset , intellexerunt . & quia tam lautam , & tam magnificam oratoris supellectilem multo maturius , ac facilius se paraturos esse ratione , & uia , quam ingenio , & natura crediderunt . Etenim quis est uel acerrimo ad dicendum ingenio præditus , qui planè sine lumine aliquo præcepto .



rum rationem posset causæ cognoscendæ uidere; partes eius , ac status omnes animo comprehen-  
dere, argumentandi uim uariam , atque recondi-  
tum intelligere, præterea initio captandas eorum  
esse , qui audiunt , uoluntates , deinde rem expo-  
nendam , postea controuersiam constituendam ,  
tum id , quod intendimus , confirmandum , quæ  
contra dicuntur refellenda, extrema autem oratio-  
ne quæ pro nobis sunt augenda , quæ pro aduer-  
sario abiiscienda ? Quæ omnia et si pariter ab in-  
doctis , & rudibus temere , & sine ulla ratione for-  
tasse fiunt , aptius tamen certe , & callidius à pe-  
ritis . argumento sunt ea, quæ de actione , & me-  
moria tradita sunt , quæ ipsa et si maxime propria  
naturæ sunt , in his tamen excolendis ars , & mode-  
ratio quædam etiam adhibetur . nam lingua , uox ,  
latera , uires , animus denique ad memoriam fir-  
mis , quæ nobis à natura donantur , præceptis ita  
& studio conformantur , ut & que multa de his im-  
buendis , & fingendis , atque de rebus inueniendis ,  
collocandis , & ornandis ueteres dicendi autores  
sibi præcipienda esse statuerint . Quæ cum ita si-  
fane restat , ut quod secundo loco positum erat ,  
de difficultate dicamus . Illud enim crebrioribus  
quam uellem uocibus audio celebrari , difficile  
esse oratorem tam multis , ac tam uarijs , quæ di-  
cicerit , occupatum præceptis facile , atque expe-  
dite , quod sentiat , explicare , atque tam multas in

partes



partes animum ; mentemque distrahere . præser-  
 tim uero cum oratio conformanda sit non solum  
 electione , sed etiam constructione uerborum , cum  
 omnis ratio , unde ad probandum exprimi aliquid  
 possit , aperienda , omnis uis dicendi in eorum  
 qui audiunt mentibus , aut incitandis , aut reflecten-  
 dis exprimenda , omnia deniq; hæc ut res , ut tem-  
 pus , ut locus postulet dispensanda , atque tractan-  
 da sint . Ego uero hoc non difficile solum esse , sed  
 ne omnino quidem fieri posse puto , si quis tum  
 plane oratorie loqui uelit , cum præceptis ipsis  
 oratoriis est instruendus , aut si quis tum denique  
 cum dicit , præcepta artis mente agitet . Nam si-  
 cut in legendo si quis literas , uocesq; singulas se-  
 cum perpendat , cum legit , is ne syllabam quidem  
 scite pronunciare possit , sin autem ante in singu-  
 lis literis cognoscendis elaborarit , deinde con-  
 iungendis literis syllabas compararit , primo qui-  
 dem tardius leget , deinde consuetudine paulatim  
 expeditam quandam , ac profuentem legendi ce-  
 leritatemi assumet , sic in hoc studio , si quis eodem  
 tempore quo præcepta perdiscit , se præclare , ac  
 scienter esse dicturum existimet , uehementer er-  
 rat . sin autem ea , quæ multo ante studio , atque  
 doctrina percepit , diuturno post usu , atq; exer-  
 citatione tractarit , eam facultatem profecto conse-  
 quetur , ut quacunq; de re facile dicere nulla pro-  
 pè artis habita ratione , sed non sine summo ta-



men artificio possit. si autem grammaticum non  
miramur, quod facile recte loquatur, nec genera,  
& casus in dicendo intueatur, quod exercitatione  
effecit, ut facile non cogruenti solum, sed etiam  
ornata locutione utatur; nec cytharædum, quod  
cum manum mouet, ad numeros proportionum,  
& fidium animum non intendat, quia ex habitu  
iam longa tractatione corroborato, omnes digi-  
tos ita profert, ut nunquam cum uelit neten pul-  
sare, hypaten pulset, nunc quid mirari oratores  
oportet, ubi diu, multumque uersati in dicendi  
studio fuerint, apte, & diserte non difficile dicere  
posse? cur igitur homines prauam hanc opinio-  
nem mentibus imbiberunt? quia pauci ab ineun-  
te adolescentia dicendi copiæ student, ubi ue-  
ro iam ætate corroborata fuerint, & ad hono-  
res petendos, aut ad causas agendas animum ap-  
plicuerint, tum cum intelligant, quantum ad gra-  
tiam, quantum ad opes, quantum ad gloriam elo-  
quentia ualeat, ad hæc studia uel inuiti se conser-  
runt, & eodem die gestum discere, atq; in scenam  
prodire uolunt, si autem magistrum dicendi for-  
te quempiam audiant, tum ab eo, quæ ne multis  
quidam annis penitus cognosci posseunt, uno sta-  
tim die haurire omnia cupiunt. Quod ipsum ubi  
minus ex sententia cessit, tum tota dicendi arte  
in perpetuum deplorata suo cuique ingenio la-  
borandum, suis nitendum viribus esse, forum non  
ludum



ludum frequentari oportere contendunt, summo labore eloquentia paritur a merito. ut enim quodque præstantissimum, ita maximis uigilijs comparatur. ne longius abeam, quid est uirtute, & gloria præstabiliu s?atqui uirtutem per labores iter facere summi quondam poetæ fictis fabulis prodiderunt, iijdemque etiam laborem gloriæ parentem appellantur. neque uero imperite alij quidam, qui bona omnia hominibus à dijs immortalibus nullo alio nisi laborum nostrorum precio uendi affirmarunt, nos tamen his contemptis præceptis difficultatis patrocinia præteximus segnitie. neque enim sapientiam ipsam per se, nec quia res honesta, atque omnium pulcherrima sit, sed ad uilem usum, & fordidum quaestum expetimus, contra ueteres omni laude cumulatissimi. Demosthenem enim tanto studio doctrinæ flagrante ferunt, ut etiam doleret, si quando opificum antelucana forte uictus esset industria. scilicet ægre ferebat uir ille, se, qui opus immortale traxaret, somnum capere, fabris ipsis ad rem uilissimam excitatis. Plato etiam, qui uir dij immortales a somnum nimium, & animis, & corporibus ipsis obesse, uigiliam ei, qui & uitæ, & sapientiæ cupidus esset, aptissimam esse censebat. atque eundem etiam Platonem accepimus tanta industria in discendo fuisse, ut disciplinis, quas eruditissimæ Athenæ præstare poterant, non conten-



tus , ad Pythagoram magistrum tum in Italia in-  
genij , doctrinæ , sapientiæ gloria florentissimum  
nauigarat , ac Aegyptiorum sacerdotes adierit ,  
& eorum arcana perdidicerit . Pythagoras autem  
ipse non Aegyptiorum solum , sed etiam Persa-  
rum regionem perlustrarat , & Cretam , ac Lace-  
dæmonia , ac sicubí quid esset , quod disci posset ,  
penetrarat . Quos uiros omnes potius esse cen-  
seο , quām eos , qui nunc ista ipsa proferunt , au-  
diendos , neq; laborem ullum in tam amplis præ-  
fertim præmiis , quæ eloquenti uiro in libera ciui-  
tate proposita sunt , recusandum , uerum tanto  
acrius , ac uehementius optimo cuique adolescen-  
ti ad tantæ spem gloriæ esse suscipiendum . Ne-  
que uero me paucorum quorundam , quos isti si-  
ne studio , ac siue doctrina admirabiles oratores  
extitisse commemorant , exempla mouent . Ego  
enim sic existimo Aud . aut eos ipsos , si quid mo-  
do in dicendo potuerint , ne artis quidem penitus  
expertes fuisse , uerum eam ut nimis fortasse in  
hac ciuitate suspectam callide occultasse . ( fuit  
enim hæc quondam magnorum etiam oratorum  
ratio , ut eo probabiliorem fore orationem puta-  
rent suam , quo minora artis adiumenta quæssisse  
existimarentur , ) aut certe si ad diuinum eorum  
ingenium doctrinæ conformatio aliqua , & præ-  
ceptorum accessisset , multo ipsis fuisse admira-  
biliores , & præstantiores futuros . Quanquam ne  
si unus



si unus quidem , aut alter ingenio eo fuit , ut sine aliquo studio , naturæ ipsius habitu propè diuino per se ipsi eloquentes extiterint , propterea uestigiis illorum potius insistendum esse censeo , quām eorum , qui innumerabiles subsidiis artis fulti incredibili dicendi gloria excelluerunt . Quamobrem hoc quidem consilii omnibus , qui eloquentia laude ducuntur adolescentibus dederim , quorum incredibilem propè numerum in hac gloriosissima ciuitate esse intelligo , ne suo ingenio plus nimio freti artem , quæ naturam ( ut dixi ) partim imitando , partim adiuuando , partim corrigen- do , partim grauiores artes assumendo locupletat , aspernentur , ac respuant . quæ cum in ueterum summorum oratorum imitatione , tum in præstantium rhetorum assidua lectione uerlatur , neque difficultate , quæ huic studio proposita esse dicatur , ulla deterreantur .

Hæc mea hoc de toto genere sententia est Aud . quam hodierno die , ut uos ad hanc laudem studiouse persequendam pro meo officio cohortarer , unquam perpetuæ meæ erga uos uoluntatis indicem , testemq; exposui quām planissime , & quam breuissime potui . Evidem fateor me exigui huius laboris mei fructum maximum percepisse , quod me hæc studia iam per annos quatuor acer- rimè defendantem diligenter audistis . Etenim primum eloquentiæ uim , atque usum uerissimis ,



atque ornatissimis laudibus extuli . deinde eos,  
qui ingenii , & rerum desperatione debilitati ad  
laudem ueterum aspirare cum in omni , tum in  
hoc maxime studio se posse diffiderent , confir-  
maui, atque ad spem summæ gloriæ incitaui . tum  
qui rerum studio delectati barbariem orationis af-  
fectarent , puritatem dicendi uituperarent , fregi,  
atq; abieci . nunc autem dehum intestinas etiam  
nostrorum insidias patefeci, atque occultam quasi  
quandam contra eloquentiam coniurationem in-  
dicaui . Hoc idem , dum licuerit , in perpetuum  
faciam . neque reprehensionem ullam uerebor,  
dum in his studiis non tam interpretatione mea il-  
lustrandis, quām ab iniquorum obtrectatione de-  
fendendis elaborabo . me enim cum ueritatis,  
tum uestræ etiam gloriæ studium incitat , quos  
omnes cum aliis laudis insignibus , tum maxime  
eloquentiæ ornatos esse ualde cupio . Magnum  
enim semper fuit , atque erit omni liberæ ciuitati  
eloquentia decus . maximum autem huic Reip.  
quod in hac sola propè apud homines his tempo-  
ribus ueræ , & germanæ libertatis uestigia impres-  
sa esse cernantur . Est autem æquum , qui Roma-  
næ in Italia libertatis honestissimam hæreditatem  
creuerunt , eosdem etiam eius comitis , & sociæ  
eloquentiæ creuise , atque utriusque rei patroci-  
nium pari studio , ac diligentia custodire . liber-  
tatis autem , & eloquentiæ summus fructus est glo-  
ria .



ria, quam quidem uos aut nullo modo, aut cer-  
te perpetuo studio, atque labore uestro magnam  
in hac Rep. consequemini. Quod utinam ali-  
quando pro singulari mea erga uos, atque istam  
ciuitatem caritate aut me hanc scholam obti-  
nente, aut certe uiuente contingat. Acta  
Venetiis M D L V.

F I N I S.



35

in datus dūq̄m dōzant nō o modo. aut co-  
se pēpēatioñe fūndio, si dōce jōpōle. ut illi mis̄tior  
in p̄pe R. d. G. C. G. O. nō dūzant s̄is  
dōce p̄o q̄nūlūtūt mēr s̄is nos, dūzay tūt  
q̄nūlūtūt cūltūt s̄u tūt p̄se. tōpōsūt o p̄is  
dōce, q̄nūlūtūt dūm̄t̄t cōnūp̄t̄t. — A.G.  
A. G. C. S. V. E. D. E. L. —

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.


Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.

Autētis s̄u tūt p̄se. dōce, q̄nūlūtūt dūm̄t̄t cōnūp̄t̄t.  
dōce, q̄nūlūtūt dūm̄t̄t cōnūp̄t̄t. — A.G.



OCTO TOMI. AVTHORE BOBIO.

Primus, de præsentanéis, ac Legitimis, potentibusq; Antidotis, ad  
sanandum lætale multiplexq; venenum. et pro conseruatione  
tam Heroum, quam sapientum, Regium opus.



Cum priuilegio. Acpēnis, horribilibusq; censuris. Addito.  
etiam diuīsim coniunctimq; Interdictos.  
Ad Decenium.  
• 1550.



